

आकाशवाणी

खबरां -----

1 फितिस्तीन हमास हमले च शामिल होने पर इजराइल नै लेबनान दे हिजबुल्लाह आतंकवादी गुट गी चेतावनी दिती ऐ। दौनें भेठा दा 500 लोक अजे तगर मारे जाई चुके दे न।

2 अफगानिस्तान च आए दे भूचाल च मरने आले दी गिनतरी 2 जहार तगर पुज्जी गई ऐ।

3 हाईं थवां प्रभावित सिक्कम च नुकसान दा जायज लेने ते मदद मुहैया करोआने आस्तै अंतर मंत्रालय समिति प्रभावित क्षेत्रे दा दौरा करोग। हाइ करी मरने आले दी गिनतरी 32 पुज्जी।

4 भारती वायु सेना नै अज्ज अपनी 91मीं बरे गं पर अपने नमें झंणे दा अनावरण कीता।

5 आई.सी.सी विश्व कप प्रतियोगिता च अज्ज चनैनी दे एम.ए चिदंबरम स्टेडियम च खेड्ठे जा रदे मैच च आस्ट्रेलिया नै जित लेई 200 रन दा लक्ष्य दिता।

Isreal-Hames

इजरायल ते हमास बश्कार जारी तनाव दे चलदे लेबनान दे हिजबुल्ला गुट नै इजराइल दे त्रै ठकानें पर केई दर्जन राकेट दागे। एह राकेट विवादित क्षेत्रें दे अलावा इजराइल दे कब्जे आली गोलान दी पहाड़िं पर बी दागे ऐ। हिजबुल्ला गुट नै दस्सेआ ऐ जे उसने एह हमले फिलीस्तीन दे समर्थन च कीते न। इजराइल नै बी जवाबी कारवाई करदे होई लेबनान दे ठिकानें पर हमले कीते हे ते हिजबुल्ला गी मौजूदा संघर्ष थवां बक्ख रौहने दी चेतावनी दिती ऐ। इस दौरान इजरायल दे प्रधानमंत्री बेन्यामिन नेतन्याहू नै गाज़ा पट्टी च हमास लड़ाके दे 17 परिसरें ते 4 आपरेशनल कमान केंद्रें गी निशाना बनाया ऐ जिंदे च 230 थवां मते लोक मारे गए। इजराइल दे प्रधानमंत्री बेन्यामिन नेतन्याहू होरें हमास दी सख्त लफ्जें च निन्देआ कीती ऐ ते युद्ध दी घोषणा कीती। खबरें मुजब हमास दे हमले च इजराइल च शार हेनेगेव क्षेत्रीय परिषद दे प्रमुख ओफिर लिब्सटीन दी मौत होई गई ऐ। इजराइल दे केई नागरिकें गी गाजा च बंधक बनाई लैता गेआ ऐ। इस दौरान दुनिया भरै दे प्रमुख नेताएं हमास आतंकिएं दे

इजराइल पर हमले दी निंदेआ कीती ऐ। प्रधानमंत्री नरेंद्र मोदी होरें
इजराइल कन्नै अपनी इकजुटता जाहिर करदे होई आखेआ ऐ जे
मुश्कल दी इस घड़ी च भारत दी संवेदना ते हमदर्दी इजराइल दे
बेदोसे लोकें कन्नै ऐ। अमरीका दे राष्ट्रपति जो. बाइडेन होरें आखेआ
ऐ जे आतंकवाद गी कुसै बी सूरत च तर्कसंगत नेई ठहराया जाई
सकदा। उनें एहू बी आखेआ जे आतंकवाद गी कुसै बी रूप च सेई नेई
ठहराया जाई सकदा। श्री बाइडेन होरें इजराइल दे प्रधानमंत्री बेन्यामिद
नेतन्याहू हुंदे कन्नै फोन पर गल्ल कीती ते आत्मरक्षा दे इजरायल दे
अधिकार प्रति अपना पूरा समर्थन जाहिर कीता। ब्रिटेन दे प्रधानमंत्री
ऋषि सुनक होरें बी हमास दे हमले पर हैरानी जाहिर कीती। हमास दे
हमले मगरा फिलीस्तीन च भारत दे प्रतिनिधि कार्यालय नै रामल्ला
च रवा रदे भारतीय नागरिकें सोयां आपात स्थिति च संपर्क करने लेई
आखेआ ऐ। कार्यालय नै इसदे आस्तै हेल्पलाइन नंबर बी जारी कीता
ऐ। नंबर न 0592-916418, वट्सऐप नंबर ऐ 970-592-916-41

<><><><><><><>

Flight-Cancelled

एयर इंडिया नै तल अवीव जाने आली ते उत्थुआं औने आली अपनी पोआरिएं गी 14 अक्टूबर तगर रद्द करी दिता ऐ। इक सोशल मीडिया पोस्ट एयर लाइन नै दस्सेआ ऐ जे यात्रिएं ते चालक दल दे सदस्ये दी सुरक्षा दे मद्देनजर तल अवीव जाने आली ते उत्थुआं औने आली पोआरियां शनिवार तगर बंद रौडन। एयर लाइन नै एह बी आखेआ ऐ जे ओ उनें यात्रिएं दी हर संभव सहायता करोग। हमास आतंकवादिएं कल इजराइल पर हमला कीता हा ते अदू थवां गै दौनें गै पक्खे च संघर्ष चला रदा ऐ जेदे च सैकड़ां बद्द लोक मारे जाई चुके दे न।

Afghanistan

पच्छमी अफगानिस्तान च ईरान कन्ने लगदे बन्ने पर आए दे भूचाल च मरने आले दी गिनतरी 2 जहार होई गई ऐ। मरने आले दी गिनतरी बदने दी शँका ऐ कि जे किश लोक मलबे हेठ दबोए दे होई सकदे न। एह भूचाल मुकामी समे मुजब लगभग 11 बजे आया। इसदा केंद्र हेरात शैहर सोयां लगभग 40 किलोमीटर दूर हा ते एदी तीव्रता 6 अशारिया 3 मापी गई ऐ। एह भूचाल मुख्ये दे 2 दहाके च

आए दे भूंचाल च सब्बनें थवां खतरनाक भूंचालें चा इक ऐ। संयुक्त राष्ट्र दे मानवीय आधार आले मामले दे साथ सहयोग सरबन्धी दफतरे मुजब भूंचाल करी घट्टोघट्ट 465 इमारतें गी नुकसान पुज्जा ऐ जिसले कि 135 इमारतां तबाह होई गेइयां न। तालीबान नै मुकामी लोकें सोयां जखिमएं गी अस्पताल पजाने ते होर दुइयां सुविधां उपलब्ध करोआने दी अपील कीती।

Rajnath-Singh

रक्षा मंत्री राजनाथ सिंह होर कल्लै थमां लेइयै 12 अक्टूबर तगर इटली ते फ्रांस दी जातरा पर जा करदे न। जातरा दे पैहले चरण च श्री सिंह होर इटली दे रक्षा मंत्री हुंदे कन्नै मलाटी करडन। इस बरे मार्च च इटली दे प्रधानमंत्री हुंदी भारत जातरा दौरान दौनें मुख्यें दे सरबन्धें दा दायरा रणनीतिक सांझेदारी तगर बधाया गेआ हा। जातरा दे दुए चरण च सिंह होर पेरिस च फ्रांस दे रक्षा मंत्री सेब्सटियन लेकरोनो हुंदे कन्नै 5मीं सलाना रक्षा वार्ता करडन। दौनें मुख्यें हाल च गै अपनी रणनीतिक सांझेदारी दी 25मीं बरे गां मनाई ऐ। इटली ते फ्रांस च श्री सिंह होर रक्षा कंपनिं दे मुख कार्जकारी अधिकारिं ते वरिष्ठ प्रतिनिधिं कन्नै अंतरराष्ट्री सैहयोग लेई गल्लबात करडन।



Sikkim

गृह राज्यमंत्री श्री अजय कुमार मिश्रा होंरें सिक्कम च मुख्ख मंत्री प्रेम सिंह तमांग भेंट कीती। दौनें नेताएं राज्य च हाड़ करी नुकसान पर व्यापक चर्चा कीती। श्री तमांग होंरें इस आपदा दे मौके राज्य दा दौरा करने आस्तै श्री मिश्रा होंरें गी धन्नवाद कीता। उनें प्रधानमंत्री नरेंद्र मोदी ते गृह मंत्री अमित शाह हुंदी निगरानी ते मार्गदर्शन च केंद्र सोयां फौरी प्रतिक्रिया हासल होने पर खुशी जाहिर कीती। श्री तमांग होंरें राज्य च राहत ते बचास ते परतिए बहाली आस्तै राश्ट्री ते राज्य आपदा मोचन बल गी पैहले बजट जारी करने आस्तै आभार जताया। मुख्खमंत्री होंरें 5 मंत्रालयें दे अधिकारिं दी इक अंतर मंत्रालय टीम कायम करने लेई बी केंद्र सरकार दा धन्नवाद कीता।



Sikkim-Flood

सिक्कम च इस म्हीने दी 4 तरीक गी आए दे चान-चक्क हाड़ च मरने आलें दी गिनतरी 32 होई गेई ऐ इन्दे च 9 सैन्य कर्मी शामिल

न। राज्य आपदा प्रबंधन प्राधिकरण नै 81 लोकें दे अजें बी लापता होने दी तस्दीक कीती ऐ। भारत तिब्बत सीमा पुलस नै कल चुंगथांग च 56 लोकें गी बचाई लैता हा। इन्दे च 52 मर्दे ते 4 महिलां न। इक जहार 320 घर पूरी चाल्लीं तबाह होई गए न। अजें तगर 2 जहार 563 लोकें गी बचाया गोआ ऐ। 30 राहत शिविरें च 7 जहार 25 लोक रवा करदे न। कल गृह राज्यमंत्री अजय कुमार मिश्रा होर सिक्कम दे मुखमंत्री, मैहकमे, सेना, आई.टी.बी.पी, बी.आर.ओ, एन.एच.आई.पी.सी.एल ते एन.एच.पी.सी कन्नै बैठक लाई। मिश्रा होरें गलाया जे केंद्र सरकार स्थिति पर नेइमी तक्क रक्खा रदी ऐ। उनें गलाया जे प्रधानमंत्री नरेंद्र मोदी ते गृह मंत्री होर सिक्कम दे मुखमंत्री हुंदे लगातार संपर्क च न।

<><><><><><><>

Gadkari

शिड़क यातायात ते जरनैली शिड़क सरबंधी केंद्री मंत्री नितिन गडकरी होरें आखेआ ऐ जे जम्मू-कश्मीर च 395 मीटर लम्मी मरोग सुरंग कश दा कम्म पूरा होई गोआ ऐ। इसदे पर 82 करोड़ रपे दी लागत

आई ऐ। सोशल मीडिया पर इक पोस्ट च उनें आखेआ जे एह पुलस राश्ट्री जरनैली शिड़क 44 पर रामबन ते बनिहाल शिड़क रस्ते पर स्थित ऐ।

CBI-Bengal

पच्छिम बंगाल च नगर निगम निकायें च भर्ती च कथित अनियमिताएं दी जांच दे सिलसिले च केंद्री जांच ब्यूरो-सीबीआई नै अज्ज वरिष्ठ मंत्री फिरहाद हकीम ते तृणमुल कांग्रेस दे विधायक मदन मित्रा दे आवास सनें 12 थाहें पर छापे मारे। शैहरी विकास ते नगर निगम कार्यमंत्री फिरहाद हकीम, कोलकाता दे मेयर बी हैन। सीबीआई अफसरें दा दल अज्ज बड़लै केंद्री बलें दे इक बड़ो जत्थे कन्नै दक्खनी कोलकाता दे चेतना इलाके च उंदे आवास पर पुज्जा। सीबीआई नै उत्तरी 24 परगना जिले दे भवानीपुर इलाके च कमरहाटी दे विधायक ते साबका मंत्री मदन मित्रा दे आवास पर बी तलाशी लैती। सीबीआई सूत्रें मुजब अधिकारिणं अज्ज इस मामले दी छानबीन दे सिलसिले च कोलकाता, कंचारपाड़ा, बैरकपुर, हलीसहर, दमदम, उत्तरी दमदम, कृष्णा नगर, ताकी, कमरहाटी, चेतला ते भवानीपुर च सरकारी अधिकारिणं ते होरनें लोकें दे आवासें पर छापे मारे।

Union-Minister

भारी उद्योगों ते सार्वजनिक उद्यमों सरबन्धी केंद्री मंत्री ाक्टर महेंद्र नाथ पाण्डे होंरें अज्ज गांदरबल च माता खीर भवानी मंदरें च मत्था टेकेआ। उन्दे इस दौरें दरान गांदरबल दे ए.एस.पी, ए.ससी.आर ते होर बी केई अफसर उत्थे मजूद हे।

<><><><><><>

Safron-Trade Centre

जम्मू-कश्मीर दे दौरें पर आए दे केंद्री मंत्री महेंद्र नाथ पाण्डे होंरें अज्ज पाम्पोर च अंतरराश्ट्री केसर बपार केंद्र दा दौरा कीता। अपने दौरें दौरान उनें केसर चुनने दे बाद आली प्रक्रिया लेई केसर करसानें लेई उपलब्ध सहूलतें दा बी निरीक्षण कीता जेहड़ियां बपार केंद्र आस्सेआ उपलब्ध कराइयां जा करदियां न। उनें केसर चुनने, बक्खरा करने, सुकाने, बक्ख-बक्ख श्रेणी च तालने ते पैक करने दे इलावा एहदी ई-सरिस्ते राणं निलामी केंद्र दा बी निरीक्षण कीता जित्थे एह सारे कम्म ते प्रक्रियां तोड़ चाड़ियां जंदियां न।

IAF

भारती ब्हाई फौज नै अज्ज अपनी 91वीं बरे गं मनाई। मुख समारोह उत्तर प्रदेश दे प्रयाग राज च लग्गा जित्थे बमरौती वायु सेना केंद्र च शानदार परे दा सरिस्ता कीता गेआ। वायु सेना प्रमुख एयर चीफ मार्शल वी.आर चौधरी होरें परे दी सलामी लैती। इस मौके उनें आखेआ जे वायु सेना दी शक्ति, शांति ते युद्ध काल, दौनें समें च बरोबर उपयोगी होंदी ऐ। उनें दस्सेआ जे वायु सेना नै अग्निवीरें दा पैहला बैच अपने च शामिल करी लैता ऐ ते एहदे बाद दे अग्निवीरें दे बैच जिंदे च महिला अग्निवीर बी शामिल न, उन्दी शुरूआती सिखलाई चलै करदी ऐ। वायु सेना अध्यक्ष होरें इक परे च वायु सेना दे नमें झंणे दा अनावरण बी कीता। एहदे लेई वायु सेना दे पराने झंणे गी पूरे सम्मान कन्ने तोआरिए वायु सेना प्रमुख होरें गी सोंपेआ गेआ। हून इस पुराने झंणे गी वायु सेना दे संग्रहालय च रखेआ जाग। इस मौके वायु सेना प्रमुख होरें 4 इकाइएं गी प्रशस्तिपत्र पत्र बी सोंपे। इंदे च 16 स्कवार्डन, 142 हेलीकाप्टर युनिट, 901 सिग्नल युनिट ते 3 बेस रिपेअर पिपो शामिल न। इस मौके पर वायु सेना प्रमुख होरें आखेआ जे मजूदा चुनौतिएं दा कामयाबी कन्ने मुकाबला करने लेई असेंगी

नमिं तकनीकें गी अपनांदे रौहना लोडचदा। उनें दस्सेआ जे इस बरे दे वायु सेना दिवस दा विषय ऐ “भारती वायु सेना वैश्विक हवाई शक्ति”। इस बरे वायु सेना नै मितर मुख्यें कन्नै 8 अभ्यासैं च हिस्सा लैता ऐ।

<><><><><><>

LEH-Display

भारती वायु सेना दे 91में स्थपना दिवस दे मौके पर अज्ज मुख्यै दे बक्ख-बक्ख हिस्सैं च केई समारोह आयोजित कीते गे। इससै सिलसिले च अज्ज लेह च बी ब्हाई ते स्थिर प्रदर्शन कीता गेआ। एयर कोमोडोर पी.एसहांगा हों ऐ इस मौके आखेआ जे अज्ज कीते गेदे इस स्टैटिक प्रिन्सिपल दे मकसद लद्दाख दे नौजवानें गी वायु सेना च शामिल होने लेई प्रेरित करना ऐ। इस मौके लोकें दे दिक्खने लेई मिसाइलें दे ब्रुं किस्में दे सरिस्तें दा बी प्रदर्शन कीता गेआ जिंदे च स्पाइर मिसाइल सिस्टम, आकाश मिसाइल सिस्टम ते सतह थमां ब्हा च दरमेयानी दूरी पर मार करने दी छमता आला मीडियम रेंज सर्फेस टू एअर मिसाइल सिस्टम बी शामिल हा।

Prime-Minister

प्रधानमंत्री नरेंद्र मोदी हों चीन च सम्पन्न होई दी एशियाई खेडों च 107 तगमें हासिल करिये इतिहास रचने आले भारती दल दी सराहना कीती ऐ। सोशल मीडिया पर इक पोस्ट च उनें जेतुएं गी बधाई दिती ते आखेआ जे एशियाई खेडों च भारत दी एह उपलब्धि एतिहासिक ऐ। मोदी हों आखेआ जे पूरे मुख्य गी इस गल्ला पर मान ऐ जे स्हाड़े एथलीटें पिछले 60एं बरें च अपना सब्बनें थमां बेहतरीन प्रदर्शन करदे होई 107 तगमें जिते।

Cricket

आई.सी.सी क्रिकेट विश्व कप च आस्ट्रेलिया नै पैहले बल्लेबाजी करदे होई भारत गी जित लेई 200 रन दा लक्ष्य दिता ऐ। आस्ट्रेलिया दी टीम 49 ओवर ते 3 गेंदें च 199 बनाइयें सारे खपारी हाउट होई गए। एह मैच चेन्नई दे एम.ए. चिदंबरम स्टेडियम च खेओआ जा रदा ऐ। आस्ट्रेलिया आस्सेआ दिते गेदे लक्ष्य दा पिच्छा करदे होई भारत नै हुनै कोलां किश चिरें पैहलें तोड़ी 11 ओवरें च त्रुं विकेटें दे नुकसान पर 33 रन बनाई लैते दे हे। आस्ट्रेलिया नै टास जितिए पैहले

बल्लेबाजी करने दा फैसला कीता। कल खेड्ठे गेदे मैच च दक्खन
अफ्रीका नै श्रीलंका गी 102 रन कन्नै हराया हा। एह् मैच अरूण
जेटली, स्टेडियम च खेओआ जाग। धर्मशाला च खेओ गेदे मैच च
बंगलादेश नै अफगानिस्तान गी 6 विकेटें कन्नै हराई दिता हा।

<><><><><><>

Khatana-Nagrota

भारती जनता पार्टी दे राज्यसभा सांसद इंजीनियर गुलाम अली खटाना
होरें अज्ज आखेआ ऐ जे प्रधानमंत्री नरेंद्र मोदी होरें समाज दे पच्छेत्रे
तबकें गी उबड़ा चुक्कने लेई खास ध्यान केंद्रित कीता ऐ। नगरोटा
इलाके दे ढोक वज़ीरां ग्रांs च इक बड्ठो किट्ठ अगगै भाशा दिंदे होई
सांसद गुलाम अली होरें आखेआ जे बीजेपी दी सरकार नै इस गल्लै
गी जकीनी बनाया ऐ जे कल्याणकारी योजनाएं दे लाह लोइचदे ते
गरीबें तगर पुज्जन ते कन्नै ऐसियां केई बवस्थां बी तैयार कीती दिआं
न जिंदे राएं हेराफेरी गी रोकेआ जाई सकै। उनें आखेआ जे गीब ते
जिमीं-रैहत लोकें गी 5 मरले जिमीं देने दी नीति बनाई दी ऐ ते इनें
प्लॉटें पर प्रधानमंत्री आवास योजना तैहत घरें दा निर्माण कीता जा
करदा ऐ।

CRPF-Advisor

लेफ्टिनेंट गवर्नर हुंदे सलाहकार आर.आर. भटनागर होरें सी.आर.पी.एफ दे बन तलाब जम्मू आले बेस कैंप थमां सी.आर.पी.एफ महिला मोटर सैकल अभियान रैली 2023 गी अज्ज झंपी दस्सियै रवाना करोआया जेड़ी मुख्य भरै दे लोकें गी राश्ट्री एकता ते साम्प्रदायिक संबोध दा स्नेहा देग। सलाहकरा भटनागर होर इस कार्यक्रम दे मुख परौहने हे। सी.आर.पी.एफ महिलाएं दी एह मोटर सैकल रैली पैहले अमृतसर ते फही उत्थुआं देशै दे होरनें हिस्सें च जाग। इस मौके सलाहकार होरें आखेआ जे सी.आर.पी.एफ दियां एह मोटर सैकल सोआर देशवासिएं गी जम्मू-कश्मीर ते देशै दे होरनें हिस्सें च आतंकवाद खलाफ लड़ाई च सी.आर.पी.एफ दी भूमिका बारै जानकार बनाडन। एहदे अलवा ओह लोकें गी खरी सेहत, महिला सशक्तिकरण ते देशै दी अंदरूनी सुरक्षा दे सरबंथै च सी.आर.पी.एफ दी भूमिका बारै बी जानकारी देडन।

Jammu Village

जम्मू खिते च अंतरराश्ट्री बन्ने कन्नै लगदे ग्राएं च इनें दिनें इक शानदार तब्दीली दिक्खने गी लब्बै करदी ऐ। स्वच्छ भारत मिशन दी

इक पैहलकदमी-गोबरधन परियोजना बन्नै आले ग्राएं च रवै करदे लोकें दे जीवन च नमीं क्रांति आहन्ना करदी ऐ। गोरबधन परियोजना इक ऐसा मिशन ऐ जेदे तैहत ग्राएं गी साफ रक्खने दे कन्नोकन्नी गोहे थमां जैविक हैल बनाने ते उर्जा पैदा करने बक्खी ध्यान केंद्रित कीता जंदा ऐ। रणबीर सिंह पुरा दा सरहदी ग्रांs गेगियां इस बदलाव दी इक शानदार मिसाल ऐ। बायोगैस कन्नै एह लोक अपने घरें दे चूल्हे बाला करदे न। गेगियां पंचैत दे सरपंच कैप्टन हंसराज होरें दस्सेआ ऐ जे ओह गोबरधन परियोजना तैहत स्थापित प्लांट थमां तकरीबन 20 परोआरें गी बायो-गैस सप्लाई करै करदे न। मकामी लोक इस प्लांट लेई गोहा उपलब्ध करोआंदे न ते एहदे बदले इस प्लांट थमां बायो-गैस दा इस्तेमाल करदे न। उनें दस्सेआ ऐ जे एहदे लेई उनें समें बी मुकरर कीते दा ऐ। लोकें गी बड़लै 66 बजे थमां 8 बजे तगर ते फही संझा 4 बजे थमां 6 बजे तगर बायोगैस उपलब्ध करोआई जंदी ऐ।
